

VENDIM
Nr. 417, datë 25.6.2014

PËR MIRATIMIN E TARIFAVE TË LEJEVE
TË MJEDISIT

(ndryshuar me VKM-në nr. 462, datë 26.7.2023)

(i përditësuar)

Në mbështetje të nenit 100 të Kushtetutës dhe të nenit 25 të ligjit nr. 10448, datë 14.7.2011, “Për lejet e mjedisit”, të ndryshuar, me propozimin e ministrit të Mjedisit, Këshilli i Ministrave

VENDOSI:

1. Miratimin e vlerave përkatëse të tarifave për:
 - a) kërkesën për leje mjedisi të *tipave A dhe B*;
 - b) kërkesën për një ndryshim të kushteve të lejes përkatëse të mjedisit të tipit A ose të tipit B;
 - c) tarifën vjetore për instalimet e *tipave A dhe B*.
 2. Të gjithë termat e përdorur në këtë vendim kanë të njëjtin kuptim me atë që u jepet përkatësisht në:
 - a) ligjin nr. 10448, datë 14.7.2011, “Për lejet e mjedisit”, të ndryshuar;
 - b) ligjin nr. 10431, datë 9.6.2011, “Për mbrojtjen e mjedisit”, të ndryshuar;
 - c) ligjin nr. 10081, datë 23.2.2009, “Për licencat, autorizimet dhe lejet në Republikën e Shqipërisë”.
 3. Tarifa përkatëse e shërbimit për shqyrtimin e kërkesës është, si më poshtë vijon:
 - a) Për leje mjedisi të tipit A, 50 000 (pesëdhjetë mijë) lekë;
 - b) Për leje mjedisi të tipit B, 30 000 (tridhjetë mijë) lekë;
 - c) *Shfuqizuar*;
 - ç) Për ndryshim të kushteve të lejes së mjedisit të tipit A, 20 000 (njëzet mijë) lekë;
 - d) Për ndryshim të kushteve të lejes së mjedisit të tipit B, 10 000 (dhjetë mijë) lekë.
 4. Operatorët paguajnë në llogari të ministrisë tarifën vjetore për:
 - a) instalimet e tipit A, në shumën prej 10 000 (dhjetë mijë) lekësh;
 - b) instalimet e tipit B, në shumën prej 5 000 (pesë mijë) lekësh.
 5. *Shfuqizuar*.
 6. *Tarifa vjetore paguhet brenda vitit, duke e identifikuar nëpërmjet numrit të lejes (PN-së) përkatëse. Një kopje e mandatpagesës dorëzohet pranë Agjencisë Kombëtare të Mjedisit dhe Agjencisë Rajonale të Mjedisit ku ndodhet instalimi.*
 7. Tarifa derdhet nga kërkuesi në llogarinë bankare të ministrisë përgjegjëse për mjedisin dhe është e pakthyeshme. Të ardhurat e mbledhura nga tarifat e përcaktuara në këtë vendim derdhen në buxhetin e shtetit.
 8. Me hyrjen në fuqi të këtij vendimi, udhëzimi nr. 5, datë 28.12.2007, i ministrit të Mjedisit, Pyjeve dhe Administrimit të Ujërave, “Për tarifat e shërbimit për leje mjedisore”, shfuqizohet.
 9. *Ngarkohen ministria përgjegjëse për mjedisin, Agjencia Kombëtare e Mjedisit, agjencitë rajonale të mjedisit dhe Qendra Kombëtare e Biznesit për zbatimin e këtij vendimi.*
- Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama